

ASK pentas Anak Raja Gondang II

SAMBUTAN baik pementasan Mak Yong, Anak Raja Gondang tahun lalu mendorong Akademi Seni Kebangsaan (ASK) kembali dengan sambungan Anak Raja Gondang II pada 28 dan 29 Mac ini.

Pementasan selama dua hari ini sebagai program permulaan ASK sepanjang tahun ini, sejajar dengan usahanya memartabatkan kesenian tradisional di negara ini.

Apa yang menarik, Anak Raja Gondang II yang akan dipentaskan di ASK di Jalan Ampang, selama dua malam adalah berlainan dan cerita malam pertama bersamung ke malam kedua.

Ia mengisahkan Raja Besar memerintahkan Wak Pertanda Raja membunuh anak angkatnya, Anak Raja Gondang.

Beliau diselamatkan oleh Raja Naga dan menuntut ilmu di sebuah gua di tepi laut.

Sementara malam kedua mengisahkan Raja Besar menjodohkan tujuh puterinya dengan tujuh anak Sultan Palembang.

Mereka diminta mengarang bunga untuk pasangan masing-masing tetapi Puteri Bongsu tidak berbuat demikian kerana menyukai Anak Raja Gondang. Pra-tonton Anak Raja Gondang 11 akan diadakan pada 25 Mac ini di ASK.

Turut dalam perancangan ialah pementasan bangsawan, Bendahara Garang Perak pada 10 hingga 12 April diikuti pementasan randai, Anggun Nan Tungga pada 24 hingga 25 April ini.

Selain itu ASK juga menganjurkan bengkel Penulisan Kreatif, Muzik, Tari dan Teater pada Mei ini serta Aprisiasi Muzik Tradisional pada Oktober nanti.